

FOTO: prije klanjanja Ramazanskog Bajrama u Ferhadiji i Hadžićima u abanovoj džamiji

19/08/2012 11:09 by Administrator

U Medžidisu Islamske zajednice Banja Luka bajram-namaz klanjan je u devet džamija u kojima je tokom ramazana klanjan i teravih-namaz, a centralna svečanost održana je u Ferhat-pašininom mesdžidu u džamiji Ferhadija gdje se hutbom obratio banjalučki muftija Edhem ef. Hamdžić.

[FOTO ALBUM:](#)

Estitaju vjernicima praznik, on je podsjetio da je Bajram praznik ljubavi, sloge i jedinstva.

U ovoj godini, ako Bog da, Bajram-namaz klanjat ćemo u obnovljenoj Ferhadiji, što je izuzetno bitno za sve vjernike u Banjoj Luci, jer je Ferhat - pašina džamija simbol pomiranjia i suživota u BiH, isto kao i praznik koji danas proslavljamo, poručio je muftija Hamdžić.

Velika posjeta u svim džamijama potvrđuje da su vjernici odlučni ostati na ovim prostorima i to svakako ohrabruje. Neka ovaj praznik uistinu bude ono što treba biti, te poručujem vjernicima da tokom ovog velikog praznika od srca dočekaju svoje prijatelje i komšije bez obzira na vjeru i naciju, zaključio je muftija banjalučki.

Na licima vjernika koji su jutros bili kod obnovljene Ferhat-pašine džamije u Banjoj Luci mogla se primjetiti istinska sreća zbog Ramazanskog bajrama.

Ovo je veliki praznik i velika radost za sve nas koji smo ostali u svom gradu, jer Bajram nas uvijek zbližava i čini posebno srećnima. On u domove iskrenih vjernika unosi poseban mir i veselje, poručio je nakon Bajram-namaza u gradu na Vrbasu Banjalučanin Muharem Ramić.

Izvor vijesti: Klix.ba

